

Broj: 03-04-1253-2/24
Sarajevo, 24.10.2024. godine

PARLAMENT FEDERACIJE BOSNE I HERCEGOVINE
Zastupnički dom
n/p gosp. Ivanu Miličeviću, tajniku
n/p gosp. Admiru Čavaliću, zastupniku ✓

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 25-10-2024			
Org. jed.	Broj	Priloga	Vrijednost
05/1	-02-	508	124

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi s člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08, 26/20 i 13/24), u pritvku Vam dostavljam akt Federalnog ministarstva energije, rudarstva i industrije, broj: 05-02-4-1775/24 od 09. listopada 2024. godine, koji se odnosi na zastupničko pitanje zastupnika Admira Čavalića.

S poštovanjem,



TAJNIK VLADE

dr. sci. Edita Kaladžić

Privitak: kao u tekstu

10907

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

Broj: 05-02-4-1775/24
Mostar, 09.10.2024. godine

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
Generalni sekretarijat Vlade Federacije Bosne i Hercegovine
n/r g-đa Edita Kalajdžić, sekretar Vlade

PRIMLJENO:	23.10.2024		
Organizacione jedinica	Klasifikacioni broj	Redni broj	Broj priloge
03-04-	1253-2/2024		

PREDMET: Poslaničko pitanje, odgovor – dostavlja se

Veza: Vaš akt broj: 03-04-1253-2/24 od 18.09.2024. godine

Poštovani,

U prilogu Vašeg akta bliže naznačenog dopisom veze, dostavili ste, na nadležno postupanje, poslaničko pitanje, koje je postavio Admir Čavalić, poslanik u Predstavničkom domu Parlamenta Federacije Bosne i Hercegovine.

Poslaničko pitanje glasi: „Da li je Elektroprivreda BiH d.d. u obavezi da donese set pravila za priključenje prosumera, te pojednostavljeni procedura za priključenje elektrana za vlastite potrebe krajnjih kupaca, te da li je to uradila? Također, da li su počele uspostave odnosa sa energetske prosumerima tj. Da li se ostvaruju prodaje viška proizvedene električne energije od njihove strane u FBiH? Ako ne, zanima me zašto i kada se očekuje navedeno?“

U vezi dostavljenog pitanja ovim putem Vas obavještavamo kako JP Elektroprivreda BiH d.d. - Sarajevo ima zakonsku obavezu da donese set pravila za priključenje prosumera, kao i pojednostavljene procedure za priključenje elektrana za vlastite potrebe krajnjih kupaca. U skladu sa članom 81. stav (3) i članom 171. stav (5) Zakona o električnoj energiji Federacije Bosne i Hercegovine („Službene novine Federacije BiH“, broj: 60/23), Operatori distributivnog sistema trebaju u roku od dvije godine od stupanja zakona na snagu, tj. do 17.08.2025. godine, donijeti pravila o priključenju objekata na distributivnu mrežu, uključujući pojednostavljene procedure za priključenje elektrana za vlastite potrebe krajnjih kupaca.

JP Elektroprivreda BiH d.d. - Sarajevo provodi aktivnosti s ciljem realizacije ove zakonske obaveze. Formiran je stručni tim koji je zadužen za usklađivanje internih procedura i pravilnika s važećim zakonom i podzakonskim aktima. Do sada su ažurirane određene procedure i obrasci, ali još uvijek nisu donesena sva potrebna pravila o radu distributivnog sistema, elektronskoj razmjeni podataka i priključenju na distributivnu mrežu. To su ključni faktori za završetak procesa uspostave pojednostavljenih procedura za priključenje prosumera.

Kada je riječ o uspostavi odnosa s „energetskim prosumerima“ i „prodaji viška proizvedene električne energije“ obavještavamo Vas da prosumeri, u skladu sa Zakonom o korištenju obnovljivih izvora energije i efikasne kogeneracije („Službene

novine Federacije BiH", broj: 82/23) imaju mogućnost predaje više proizvedene električne energije u mrežu u vidu energetske ili monetarnog kredita, gdje je:


- Neto mjerenje: višak proizvedene električne energije koji prosumeri isporuče u mrežu tokom obračunskog perioda koristi kao energetske kredit u narednom periodu, a koji se koristi za nadoknadu električne energije kada je potrošnja veća od proizvodnje.
- Neto obračun gdje se novčana vrijednost viška proizvedene energije može koristiti za pokrivanje troškova električne energije kada proizvodnja nije dovoljna, ali prosumer nema pravo na naknadu za neiskorišteni monetarni kredit iz prethodnog obračunskog perioda.

Dakle, prema trenutno važećim aktima, prodaja viška energije u postrojenjima prosumera nije predviđena.

Nadalje, ukoliko se proizvođač za vlastite potrebe odluči da bude **aktivni kupac**, tada ima pravo na prodaju viškova proizvedene električne energije.

JP Elektroprivreda BiH d.d. - Sarajevo trenutno prolazi kroz proces prilagođavanja svojih internih procedura zakonodavnom okviru, a nakon donošenja odgovarajućih podzakonskih akata koji su prethodno navedeni, prosumeri će ostvariti potpune benefite propisane Zakonom o korištenju obnovljivih izvora energije i efikasne kogeneracije.

S poštovanjem,



Dostaviti:

- Naslovu
- 05
- a/a

Vareš, 21.10.2024. godine

BOSNA I HERCEGOVINA
FEDERACIJA BOSNE I HERCEGOVINE

PARLAMENT FEDERACIJE
PREDSTAVNIČKI/ZASTUPNIČKI DOM

n/r predsjedavajućeg/predsjedatelja

Ul. Hamdije Čemerlića broj 3
71000 Sarajevo

Podnositelj:
ADRIATIC METALS BH d.o.o.
Sanela Karić, direktor
Ulica Tisovci bb
BiH- 71330 Vareš

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 28-10-2024

Org. jed.	Broj	Priloga	Vrijednost
05/1	-02-	520	124.

PREDMET: Odgovor na zastupničko pitanje

Poštovani,

Dana 10.10.2024. godine zaprimili smo zastupničko pitanje, koje je postavio Admir Čavalić, zastupnik u Predstavničkom domu Parlamenta Federacije BiH.

Pitanje je postavljeno Vladi FBiH, Federalnom ministarstvu poljoprivrede, vodoprivrede i šumarstva i društvu ADRIATIC METALS BH d.o.o., šta je poduzeto u vezi Odluke Ustavnog suda Bosne i Hercegovine kojim se zabranjuje prodaja državne šume u Varešu, da li je ADRIATIC METALS BH d.o.o. postupio u skladu s rješenjima Vlade FBiH i Odlukom Ustavnog suda BiH.

U skladu sa članom 116. stav 3. Poslovnika Predstavničkog doma Parlamenta Federacije BiH, blagovremeno dostavljamo sljedeći odgovor:

Obavještavamo vas da je privredno društvo ADRIATIC METALS BH d.o.o. primilo dana 07.08.2024. godine četiri rješenja Vlade Federacije BIH kojima se poništavaju rješenja Federalnog ministarstva poljoprivrede, vodoprivrede i šumarstva o privremenom korištenju šumskog zemljišta, i to:

- Rješenje broj 03-02-1337-2/2/2023 AN, od 06. 08. 2024. godine, kojim se poništava Rješenje broj UP-I-08-22/1-240-4/23 od 08. 01. 2024. godine;

- Rješenje broj 03-02-1337-2/4/2023 AN, od 06. 08. 2024. godine, kojim se poništava Rješenje broj UP-I-08-22/1-2542-6/21, od 08. 01. 2024. godine;

- Rješenje broj 03-02-1337-2/3/2023 AN, od 06. 08. 2024. godine, kojim se poništava Rješenje broj UP-I-08-22/1-359-4/23, od 08.01.2024. godine, i

- Rješenje broj 03-02-1337-2/1/2023 AN, od 06. 08. 2024. godine, kojim se poništava Rješenje broj UP-I-08-22/1-477-4/23, od 08.01.2024. godine.

Dakle, Federalno ministarstvo poljoprivrede, vodoprivrede i šumarstva je postupajući po obavezujućoj Odluci Ustavnog suda BiH broj U-3/24, od 11. 07. 2024. godine, izvršilo Odluku i poništilo sva četiri rješenja koja je izdalo ADRIATIC METALS BH d.o.o..

Napominjemo da se radi o rješenjima kojima je ADRIATIC METALS BH d.o.o. **odobreno privremeno korištenje državnog zemljišta, a ne njegova prodaja**, te društvo nikada nije pretendovalo da stekne pravo vlasništva na državnoj imovini, već da koristi svoje pravo privremenog korištenja, koje je dato Ugovorom o koncesiji sa ZDK, te dozvolom za eksploataciju od Federalnog ministarstva energetike, rudarstva i industrije, i svim ostalim pratećim dozvolama, kojih je više od stotinu i koje su pravomoćne, konačne i izvršne u pravnom sistemu FBiH i BiH.

Poništenim rješenjima od strane Ministarstva, gore navedenim, prestalo je pravo privremenog korištenja šumskog zemljišta, međutim moramo pojasniti da se ove lokacije šumskog zemljišta nalaze unutar odobrenog i registrovanog eksploatacionog polja od strane Federalnog ministarstva energetike, rudarstva i industrije, na kojim su već sagrađeni rudnički objekti koji imaju upotrebne dozvole i operativno dejstvo.

Shodno gore navedenom, tj. nakon poništenja rješenja od 06.08.2024.godine, Uprava ADRIATIC METALS BH d.o.o. je odmah bez odlaganja, izvršila suspenziju radova na ovim lokacijama unutar eksploatacionog polja rudnika, te obavijestila Ured premijera, sva ministarstva, nadležne organe uprave i inspekcije federalnog nivoa vlasti, te poduzela sve potrebne mjere zaštite okoliša, uposlenika i sredstava za rad, kako suspenzija, koja je posljedica rješenja Vlade Federacije BiH i Odluke Ustavnog suda BiH, ne bi bila dovela do nesagledivih šteta.

Koristimo ovu priliku da istaknemo kako se donošenjem ovakvih odluka nije sagledala pravna posljedica istih, jer je poništenje rješenja koja su već izvršena, za koje je isplaćena naknada prema budžetu Federacije BiH i Kantonu ZDK u iznosu više od milion BAM, te sagrađeni rudnički objekti koji posjeduju sve upotrebne dozvole, dovelo do nastanka ogromne štete, kako za nas kao ulagača i investitora, koji zapošljava više od 500 radnika

Adriatic Metals BH d.o.o., Društvo za istraživanje i eksploataciju rude

Tisovci bb, 71330 Vareš, Bosna & Hercegovina

Identifikacioni broj porezne registracije (ID): 4236448780005

Poslovna banka: 1990470058595226 Sparkasse Bank d.d.

www.adriaticmetals.com

iz BiH, tako i štete za domaće firme kao dobavljače, kao i za reputaciju ove zemlje koja ima pravic pristupa EU, a sve uslijed nepostojanja pravne sigurnosti.

Želimo da svi nivoi vlasti u Federaciji BiH prepoznaju svoju odgovornost i daju doprinos za rješenje nastale krize potpune pravne nesigurnosti, nejasnoće u postupanju organa vlasti i konflikta zakona kako na federalnom tako i na kantonalnom nivou, spram odluke Ustavnog suda, koji onemogućavaju dalji razvoj ove zemlje, zapošljavanja i ostanak najperspektivnije radne snage u BiH.

S poštovanjem,

ADRIATIC METALS BH d.o.o.




Sanela Kariš, direktor

Br. PR. 3620/2024